

**S T A T U T**  
**UDRUŽENJE GRAĐANA**  
**PLANINARSKO-SMUČARSKO DRUŠTVO**  
**„VILINAC“ JABLANICA**  
**(Prečišćeni tekst)**

Jablanica, 26. februar 2007.godine

Na osnovu člana 12. i člana 14. Zakona o udruženjima i fondacijama („Službene novine Federacije BiH“ broj 45/02 ), Skupština udruženja građana Planinarsko – smučarsko društvo „Vilinač“ Jablanica, na obnoviteljskoj skupštini održanoj 26.februara 2007.g. d o n o s i

# **S T A T U T**

## **UDRUŽENJA GRAĐANA PLANINARSKO-SMUČARSKO DRUŠTVO „VILINAC“ JABLANICA**

### **(Prečišćeni tekst)**

## **I. OPŠTE ODREDBE**

### **Član 1.**

Ovim Statutom uređuju se osnovna pitanja organizacije i rada udruženja građana Planinarsko-smučarsko društvo „Vilinač“ Jablanica, a naročito:

- naziv , sjedište i područje na kojem udruženje djeluje;
- djelatnost udruženja
- svrhu i programske ciljeve udruženja;
- uvjete i način učlanjenja u udruženje i prestanak članstva,kao i prava ,dužnosti i odgovornosti članova udruženja;
- upravne organe udruženja, način njihovog izbora, uvjete i način opoziva, trajanje mandata način odlučivanja i odgovornost;
- način sticanja, korištenja i raspolaganja sredstvima udruženja;
- javnost rada;
- način donošenja statuta, izmjena i dopuna statuta;
- pečat i
- zastupanje i predstavljanje udruženja i
- druga osnovna pitanja značajna za unutrašnju organizaciju i rad udruženja.

### **Član 2.**

Udruženje građana Planinarsko-smučarsko društvo „Vilinač“ Jablanica (u daljem tekstu:Društvo) je samostalna nepolitička društvena i sportska organizacija koja udružuje ljubitelje prirode, planinare i smučare u zajedničkom radu na obavljanju planinarsko-smučarskih zadataka, očuvanju prirode i čovjekove okoline, podsticanju, organizovanju i razvoju sporta i sportske rekreacije kod djece, omladine i odraslih, a svojim sportskim ,etičkim i humanim vaspitanjem pomaže razvoju obrazovanja, ekonomike i kulture demokratskog društva.

### **Član 3.**

Društvo djeluje u skladu sa Ustavom,zakonima i ovim Statutom.  
Područje djelovanja Društva je na teritoriji opštine Jablanica,a svoju aktivnost može ostvarivati u državi i inostranstvu.  
Društvo ima svojstvo pravnog lica,a stiče ga danom upisa u registar kod nadležnog državnog organa u skladu sa zakonom.  
Društvo za preuzete obaveze odgovara svojom ukupnom imovinom,uključujući prava i novac(potpuna odgovornost).  
Društvo ima svoj žiro-račun i devizni račun.

#### **Član 4.**

Društvo ima svoj znak, amblen, zastavu i himnu.

Znak Društva predstavlja konturu planinarskog endema zvanog „Hajdučka vrata“ na planini Čvršnjaci, a u pozadini je obris planinarskog vrha zv. „Veliki Vilinac“ na planini Čvršnjaci. U podnožju „Hajdučkih vrata“ ucrtan je planinski biljni endem-runolist. Opis i boje amblema i zastave, tekst i melodija himne, te način njihove upotrebe i zaštite, utvrđuju se posebnim aktom Skupštine.

Za idejno i izvedbeno rješenje amblema i zastave, kao i za tekst i melodiju himne, Skupština Društva može raspisati konkurs. Konkurs je javan, a izbor konačnog rješenja vrši Upravni odbor Društva na prijedlog konkursne komisije, koju imenuje Upravni odbor Društva.

#### **Član 5.**

Zvanični naziv Društva je na latiničnom pismu, u punom tekstu:

**UDRUŽENJE GRAĐANA PLANINARSKO-SMUČARSKO DRUŠTVO  
„VILINAC“ JABLANICA.**

Službena kratica Društva je, pod istim uslovima iz stava 1. ovog člana:

**U.G.PSD „VILINAC“ JABLANICA**

Sjedište Društva je u Jablanici, ulica Trg oslobođenja bb.

#### **Član 6.**

Društvo ima svoje pečate i štambilje.

Administrativni pečat Društva je elipsoidnog oblika sa natpisom na latiničnom pismu, na rubnom djelu elipse:

**U.G.PSD „VILINAC“ JABLANICA**

U unutrašnjem dijelu je upisan broj: 1950, godina osnivanja Društva.

U sredini pečata je znak Društva.

Društvo može imati i finansijski ili operativni pečat, manjih dimenzija, ali sa istovjetnim tekstom i znakom.

Pečati mogu biti obilježeni brojevima.

Štambilj Društva je pravougaonog oblika sa istovjetnim natpisom kao na pečatima, a ispod toga je ispisan tekst:

Broj: \_\_\_\_\_

Jablanica, \_\_\_\_\_

Sekretar Društva je odgovoran za zakonsku upotrebu i čuvanje pečata i štambilja, u skladu sa upustvom koje donosi Upravni odbor Društva.

#### **Član 7.**

Društvo predstavlja, u državi i inostranstvu, predsjednik Društva, a po njegovom ovlaštenju, zamjenik predsjednika, sekretar ili neki drugi član Upravnog odbora Društva. Društvo u svim poslovima zastupa sekretar, a po njegovom ovlaštenju može zastupati i neki drugi član Društva.

### **Član 8.**

Društvo ostvaruje, dogovara, usklađuje i koordinira aktivnosti i pitanja od zajedničkog interesa sa drugim udruženjima, organima vlasti, drugim organizacijama i institucijama. Društvo ostvaruje saradnju sa radnim organizacijama u državi i inostranstvu, na principima samostalnosti, kreativnosti, stručnosti, ravnopravnosti i solidarnosti. Radi ostvarivanja ciljeva i programskih zadataka, Društvo se može učlanjivati u druge domaće i međunarodne organizacije, u skladu sa zakonom i ovim statutom. Odluku o učlanjenju donosi Upravni odbor, a ugovor kojim se uređuju međunarodni odnosi, potpisuju ovlašteni predstavnici Društva.

Po prirodi organizacije, Društvo je član:

1. Planinarskog saveza Bosne i Hercegovine
2. Smučarskog saveza Bosne i Hercegovine
3. Sportskog saveza opštine Jablanica

## **II. PROGRAMSKI CILJEVI, ZADACI I SADRŽAJ I DJELATNOST DRUŠTVA**

### **Član 9.**

Društvo podstiče i koordinira aktivnosti svojih članova na ostvarivanju zajedničkih ciljeva, u skladu sa Ustavom, zakonima i Programom Društva.

Ostvarivanjem ciljeva i zadataka svoje organizacije, Društvo:

- doprinosi razvijanju svojih članova na dostizanju njihovih punih fizičkih, umnih, duhovnih idruštvenih mogućnosti, kao pojedinca, kao odgovornih građanin i kao članova njihovih lokalnih, nacionalnih i međunarodne zajednice;
- razvija kod svojih članova ljubav prema prirodi i životu u njoj, razumjevanju za njene zakone i uči da čuvaju floru i faunu i ostala bogatstva prirode i uključuje ih u sve akcije zaštite prirode, čovjekove radne i životne sredine;
- svestrano vaspitava svoje članove i razvija pozitivne osobine kao što su: radinost, skromnost, istrajnost, snalažljivost, hrabrost, iskrenost, poštenje, štedljivost, smisao za život u manjim i većim kolektivima i pomoć drugima;
- razvija kod svojih članova poštovanje ljudi, njegovanje prijateljstva među ljudima i narodima, poštovanje ličnog vjerskog i političkog ubjeđenja, kao i nepolitičnost ove organizacije;
- radi na stručnoj i znanstvenoj obradi planina: Prenj, Čvrstica, Plasa i Vran, čini ih pristupačnim građanima svih uzrasta i upoznae građane sa prirodnim ljepotama u planini u svrhu rekreacije, postizanja psiho-fizičkih predispozicija za što produktivniji i kvalitetniji rad;
- radi na upoznavanju i usvajanju specijalističkih djelatnosti: alpinizmu i smučanju;
- planira izgradnju, održavanje i korištenje planinarskih objekata;

- uči i usmjerava svoje članstvo na poštivanje i pridržavanje kodeksa ponašanja i časti planinara Bosne i Hercegovine.

#### **Član 10.**

Osnovna djelatnost Društva je da :

- organizuje izlete,pohode,orijentaciona takmičenja,logorovanja,smučarska takmičenja i druge oblike planinarske i smučarske djelatnosti,raspoređene po sekcijama;
- izgrađuje,dograđuje i održava planinarske i smučarske objekte i propisuje način njihovog korištenja;
- obilježava i čuva planinarske puteve i staze i formira planinarske transverzale;
- brine se o zaštiti prirode i čovjekove okoline,
- propagira i informiše planinare i druge građane o prirodnim ljepotama planinarskih predjela i života u njima;
- stručno osposobljava članove i pruža im znanja iz planinarstva i smučanja,kao i specijalističkih djelatnosti:alpinizma ,speleologije,gorske službe spasavanja i vodičke službe;
- posjećivanju,obilježavanju i čuvanju istorijskih somenika naših naroda;
- održava naučne,propagandne,zabavne i druge skupove.

#### **Član 11.**

Udruženje građana PSD „VILINAC“ Jablanica,osim svoje osnovne djelatnosti sadržane u članu 10. ovog Statuta,može da obavlja privrednu i uslužnu djelatnost i da osnuje preduzeće za obavljanje privrednih i uslužnih djelatnosti u skladu sa zakonom i svojim programskim ciljevima,odnosno da vrši javna ovlaštenja u skladu sa Ustavom,zakonom i zakonu zasnovanom odlukom opštine Jablanica.

#### **Član 12.**

Poslove i zadatke za potrebe Društva mogu obavljati:vlastita stručna služba ili stručna služba neke druge organizacije i sekretar Društva,na način utvrđen ovim Statutom ili drugim aktom nadležnog organa.

### **III.PRAVA,DUŽNOSTI I ODGOVORNOSTI ČLANOVA DRUŠTVA**

#### **Član 13.**

Član Društva može postati svaki građanin Federacije Bosne i Hercegovine,pod istim uvjetima,ako potpiše pristupnicu i prihvata odredbe ovog Statuta.

Član Društva ne može postati građanin koji je pod kaznom ili istragom za ratne zločine ili za izvršena krivična djela.

Članstvo u Društvu je dobrovoljno, ali se može odrediti i odgovarajuća naknada za doprinos u obavljenim poslovima.

#### **Član 14.**

Učlanjenje u Društvo vrši se davanjem ličnih podataka i potpisom u pristupnici. Za maloljetne članove obavezan je i potpis jednog od roditelja. Članstvo u Društvu dokazuje se članskom legitimacijom koja je jedinstvena za sva planinarska društva.

#### **Član 15.**

Redovni članovi društva, u okviru svojih mogućnosti i sposobnosti, aktivno učestvuju u radu neke od sekcija Društva.

Pomažući članovi plaćaju članarinu ili na drugi način materijalno pomažu rad Društva. Počasni članovi Društva su zaslužni članovi, građani ili organizacija koji su dali značajan doprinos u radu i razvoju Društva. Počasne članove proglašava Skupština, a može i Upravni odbor. Počasnom članu uručuje se povelja-plaketa, a može se odrediti i novčani iznos uz povelju-plaketu. O svim članovima vodi se posebna evidencija po kategorijama.

#### **Član 16.**

Prava, dužnosti i obaveze članova su:

- da provode Program i učestvuju u aktivnostima Društva,
- da predlažu donošenje odluka i da ravnopravno, u skladu sa demokratskim odnosima u Društvu, učestvuju u odlučivanju kad mogu da prime odgovornost za donošenje odluka
- da, zavisno od uzrasta, biraju i budu birani za sve funkcije i u sve organe Društva ili saveze čiji je Društvo član,
- da koriste sredstva Društva i povlastice koje društvena zajednica obezbjeđuje članovima planinarske organizacije,
- da redovno plaćaju članarinu.

#### **Član 17.**

Članstvo u Društvu prestaje:

1. Istupanjem na osnovu pismene izjave,
2. Brisanjem iz evidencije-zbog neaktivnosti ili neplaćanja članarine,
3. Isključenjem-zbog grubog narušavanja Kodeksa ponašanja i časti planinara Bosne i Hercegovine, odnosno ako svojim djelovanjem šteti ugledu ostalih članova Društva i planinarske organizacije u cjelini.

Odluku o prestanku članstva donosi Upravni odbor na prijedlog Disciplinske komisije ili predsjednika Društva. Protiv odluke Upravnog odbora nezadovoljni član može podnijeti prigovor Skupštini Društva u roku od 15 dana od dana prijema odluke. Skupština je dužna na prvoj narednoj sjednici razmotriti prigovor i donijeti odgovarajuću odluku. Prigovor odlaže mjeru isključenja do konačne odluke. Odluka Skupštine je konačna. Prestankom članstva u Društvu, bivšem članu prestaju i sva prava po ovom osnovu.

Protiv člana koji je počinio prekršajno ili krivično djelo, Društvo je dužno podneti prijavu nadležnom državnom organu.

Član koji je prije prestanka članstva imao novčanih ili drugih materijalnih obaveza prema Društvu (izuzev članarine) dužan je te obaveze izmiriti u roku od 30 dana od dana prijema konačne odluke o prestanku članstva.

Odredbe ovog člana odnose se i na sve funkcionere u Društvu, s tim da o njima odlučuje Skupština Društva na prijedlog nadpolovične većine članova Nadzornog odbora, Disciplinske komisije ili Upravnog odbora Društva.

#### **Član 18.**

Stali državljanin koji je stalno nastanjen ili boravi duže od jedne godine na teritoriji Federacije BiH, može postati član Društva pod uslovom da podnese dokaze o svom statusu. Strani državljanin, član Društva, ima sva prava i obaveze kao i drugi članovi Društva.

## **IV. UPRAVNI ORGANI I ORGANIZACIJA DRUŠTVA**

#### **Član 19.**

Društvo se organizuje na teritorijalnom principu, za područje opštine Jablanica, a može se organizovati po sekcijama u privrednim i društvenim subjektima na osnovu odluke Upravnog odbora Društva.

Članovi se mogu organizovati u sekcije i po specijalističkim sklonostima: alpinistička, smučarska, speleološka itd.

Sekcija kao organizaciona jedinica, mora imati najmanje 10 članova.

#### **Član 20.**

**Upravni organi Društva su:**

- 1. Skupština**
- 2. Upravni odbor**
- 3. Nadzorni odbor**
- 4. Sud časti**

Društvo može obrazovati i druge organe, komisije ili stručna tijela, kojima se doprinosi efikasnijem poslovanju i radu Društva.

#### **M a n d a t**

#### **Član 21.**

Mandat članova i funkcionera upravnih organa Društva traje 4 (četiri) godine, ako to aktom o formiranju nekog organa nije drugačije određeno.

Mandat se može obnoviti za još jedan mandatni period, a može prestati prije isteka vremena, u slučaju;

- razrješenja
- opoziva
- ostavke

postupak i način izbora, imenovanja, razrješenja, opoziva ili ostavke članova i funkcionere Društva, bliže se uređuju Poslovníkom.

Prestanak mandata konstatuje ili Skupština Društva ili tijelo u koje je biran, a verificuje ga Upravni odbor ili Skupština Društva u drugom stepenu.

## **1. Skupština**

### **Član 22.**

Skupština je najviši upravni organ Društva, a njena prava i dužnosti ostvaruju se na osnovu Ustava, zakona i ovog Statuta.

Skupštinu sačinjavaju obnovitelj i članovi Društva, a može ih biti najmanje 15 (petnaest). Način rada Skupštine bliže se uređuje Poslovníkom.

### **Član 23.**

Skupština vrši sljedeće poslove i obavlja zadatke:

1. Donosi i usvaja Statut Društva, Poslovník, druga opšta i normativna akta i vrši njihove izmjene i dopune;
2. Donosi rješenja, odluke i zaključke i usvaja preporuke;
3. Verificuje mandate članova u Skupštini;
4. Bira i razrješava predsjednika i njegovog zamjenika;
5. Bira i razrješava Upravni i Nadzorni odbor;
6. Utvrđuje politiku razvoja planinarskog i smučarskog sporta i u tom smislu donosi odgovarajuće planove i programe;
7. Odlučuje o izvještajima Upravnog i Nadzornog odbora;
8. Odlučuje o molbama i žalbama u trećem stepenu;
9. Odlučuje o zahtjevima za zaštitu zakonitosti u drugom stepenu;
10. Dodjeljuje priznanja, povelje, plakete i nagrade;
11. Odlučuje o prestanku rada Društva;
12. Odlučuje i o drugim pitanjima iz svoje nadležnosti.

Skupština može određene poslove i ovlaštenja iz okvira svojih prava i dužnosti prenjeti u nadležnost Upravnom odboru Društva osim onih, koja se odnose na statusna pitanja.

### **Član 24.**

Skupština se održava prema Programu rada, a najmanje jedanput godišnje, u skladu sa Poslovníkom.

Skupština može biti redovna i vanredna.

Redovnu sjednicu Skupštine saziva predsjednik ili Upravni odbor.

Način sazivanja Skupštine utvrđuje se poslovníkom.

Vanrednu sjednicu Skupštine može sazvati Upravni odbor ili predsjednik, u slučaju da se Upravni odbor ne može sastati, može je sazvati Nadzorni odbor ili 1/3 (jedna trećina) obnovitelja, odnosno članova Društva.



### **Član 25.**

Skupština donosi pravosnažne odluke u prisustvu većine od ukupnog broja članova, ako se za njih izjasni (glasa) većina od prisutnih članova, ukoliko nije drukčije određeno Statutom. Statut, njegove promjene i dopune, kao i odluka o prestanku rada i postojanja Planinarsko-smučarskog Društva „VILINAC“ Jablanica, donose se usvajanjem od strane 2/3 (dvije trećine) ukupnog broja članova u Skupštini. Postupak i način donošenja odluka utvrđuje se Poslovníkom.

### **Član 26.**

Skupština ima Poslovník. Poslovníkom se utvrđuju pitanja unutrašnje organizacije rada Skupštine i njenih organa, prava i dužnosti članova u Skupštini i njenim organima, uslovi za rad, postupak i način usaglašavanja kod donošenja odluka i drugih opštih i normativnih akata, način sazivanja sjednica i način glasanja o pojedinih pitanjima od značaja za funkcionisanje Skupštine i njenih organa.

### **Član 27.**

Skupština iz svojih redova bira predsjednika i zamjenika predsjednika. Predsjednik Skupštine je istovremeno i predsjednik Upravnog odbora, odnosno predsjednik Društva. Predsjednik saziva i predsjedava sjednicama Skupštine, predstavlja i zastupa Skupštinu i Planinarsko-smučarsko društvo „Vilinač“ Jablanica. Zamjenik predsjednika pomaže u radu predsjednika, a u njegovom odsustvu, zamjenjuje ga sa svim njegovim obavezama, pravima i ovlaštenjima.

## **2. Upravni odbor**

### **Član 28.**

Upravni odbor je izvršni, stručni i operativni organ Skupštine, u kojem svi članovi imaju jednaka prava, obaveze i odgovornosti za rad Planinarsko-smučarske organizacije.

Upravni odbor ima najmanje 5 (pet) članova a u njegov sastav obavezno ulaze rukovodioci sekcija.

Predsjednik i zamjenik predsjednika Skupštine su po funkciji članovi Upravnog odbora i obavljaju dužnosti predsjednika, odnosno zamjenika predsjednika Upravnog odbora.

### **Član 29.**

Upravni odbor obavlja sljedeće poslove i zadatke:

1. Priprema sjednice Skupštine, prijedloge programa i izvještaja o radu, kao i prijedloge i nacрте ostalih akata;
2. Izvršava odluke, zaključke i stavove Skupštine;
3. Verifikuje mandate i kooptira članove Upravnog odbora, po ukazanoj potrebi, između dvije sjednice Skupštine;
4. Imenuje i razrješava sekretara Društva;

5. Bira i razrješava članove i rukovodioce Suda časti, komisija i raznih tijela;
6. Utvrđuje prijedloge Statuta, Poslovnika i drugih opštih i normativnih akata Društva i prijedloge za njihovu izmjenu ili dopunu;
7. Daje tumačenja Statuta i drugih akata Društva;
8. Donosi planove i programe i ostvaruje saradnju sa organima drugih udruženja, organima vlasti i institucijama;
9. Predlaže donošenje odluka i drugih akata iz nadležnosti Skupštine;
10. Saziva Skupštinu i predlaže dnevni red za sjednicu;
11. Naredbodavac je za izvršenje finansijskog plana Društva i to pravo prenosi na sekretara Društva;
12. Imenuje ovlaštene potpisnike u materijalno-finansijskom poslovanju Društva;
13. Donosi finansijski plan i usvaja Završni račun;
14. Daje ovlaštenja, obaveze i utvrđuje odgovornosti sekretaru Društva i drugim organima, u skladu sa zakonom i ovim Statutom;
15. Daje saglasnost na organizaciju planinarskih i smučarskih manifestacija i određuje učešće planinara i smučara na drugim manifestacijama;
16. Daje saglasnost na Pravilnik o organizaciji, pravima, dužnostima i načinu rada Stručne službe Društva;
17. Usvaja plan i program rada, kao i izvještaj o radu sekcija u Društvu, a posebno Stanice Gorske službe spašavanja;
18. Donosi odluku o visini članarine za pojedine kategorije članstva;
19. Odlučuje o ulaganju privatnog kapitala u Društvu;
20. Donosi odluke koje se odnose na:
  - osnivanje preduzeća ili obavljanje druge djelatnosti u okviru Društva
  - zaključivanje ugovora
  - angažovanje radnika i utvrđivanje naknada za obavljanje poslova za potrebe Društva
  - utvrđivanje visine putnih troškova, dnevnica i drugih naknada
  - materijalno-finansijsko poslovanje
  - nabavku osnovnih sredstava, opreme i sitnog inventara
  - disciplinske mjere u drugom stepenu
  - informisanje javnosti o radu u Društvu
  - pohvale, nagrade i javno priznanje o kojima Skupština nije odlučivala
  - prijem počasnih članova u Društvo
  - pokretanje inicijative za osnivanje novih i obnavljanje ranije osnovanih sekcija Društva
  - saradnju Društva sa drugim asocijacijama i organizacijama
  - izbore, imenovanja i razrješenja poslovnih organa i drugih radnika zaposlenih u Društvu
  - izvještaje svojih komisija i stručnih tijela
21. Odlučuje o molbama, žalbama i zaštiti zakonitosti u drugom stepenu;
22. Podnosi izvještaj o svom radu Skupštini i Nadzornom odboru;
23. Bira i razrješava zastupnike Društva u druge organizacije i asocijacije;
24. Obavlja i druge poslove u skladu sa ovlaštenjima Skupštine, zakonom i ovim Statutom;

Upravni odbor radi u sjednicama koje se održavaju po potrebi, a najmanje jedanput u tri mjeseca.

Upravni odbor zasjeda ako sjednici prisustvuje više od polovine članova, a odluke donosi nadpolovičnom većinom ukupnog broja članova Upravnog odbora. Postupak i način rada Upravnog odbora uređuje se Poslovníkom.

### **Član 30.**

Predsjednik obavlja sljedeće poslove:

- saziva sjednice, predsjedava sjednicama i zaključuje ih
- predstavlja i zastupa Društvo u državi i inostranstvu
- odlučuje u pokretanju postupka za zaštitu zakonitosti
- potpisuje opšta i normativna akta Društva i ugovore koje zaključuje Društvo
- naredbodavacje za izvršenje finansijskog plana Društva, ako sekretar obavlja svoju dužnost na amaterskoj osnovi
- obavlja i druge poslove u okviru svoje nadležnosti, zakona i ovog Statuta ili mu ih povjere Upravni odbor, ili Skupština Društva

U slučaju odsutnosti predsjednika i njegovog zamjenika, zamjenjuje ih sekretar Društva sa svim obavezama, pravima i ovlaštenjima.

U slučaju njihove duže odsutnosti, do saziva Skupštine, ovu funkciju preuzima član Upravnog odbora koji bude jednoglasno izabran.

## **3. Nadzorni odbor**

### **Član 31.**

Nadzorni odbor je samostalni organ Društva, a sastoji se od predsjednika i dva člana. Na prvoj sjednici, Nadzorni odbor bira predsjednika od svojih članova. Predsjednik Nadzornog odbora saziva i rukovodi sjednicama Nadzornog odbora. Nadzorni odbor punovažno odlučuje ako sjednici prisustvuje većina članova, a odluke donosi većinom glasova.

### **Član 32.**

Nadzorni odbor organizuje i vrši pregled cjelokupnog poslovanja u Društvu, po potrebi, a najmanje jedanput godišnje.

Nadzorni odbor se stara o zaštiti ličnih i društvenih odnosa u Društvu i njegovim organima i tijelima, te ukoliko su ti odnosi narušeni, Nadzorni odbor će obavjestiti Upravni odbor Društva, a u slučaju teških povreda odnosa, Nadzorni odbor je ovlašten da sazove vanrednu Skupštinu Društva.

Izveštaj o pregledu ukupnog poslovanja Društva, Nadzorni odbor podnosi Skupštini Društva.

## **4. Sud časti**

### **Član 33.**

Sud časti broji tri člana, koji između sebe biraju predsjednika.

Sud časti vodi disciplinski postupak i izriče disciplinske mjere u prvom stepenu.

Sjednice Suda časti saziva predsjednik na osnovu zahtjeva za pokretanje disciplinskog postupka.

Na odluku Suda časti, nezadovoljna strana može izjaviti žalbu Upravnom odboru Društva, u drugom stepenu, odnosno, Skupštini Društva u trećem stepenu.

Odluka Skupštine Društva je konačna.

#### **Član 34.**

Pravilnikom o postupku i odgovornosti članova za povredu discipline u Društvu, koji se temelji na odredbama Kodeksa ponašanja i časti planinara Bosne i Hercegovine, bliže će se propisati disciplinski postupak, uslovi i mjere za povredu društvene discipline i organi za pokretanje disciplinskog postupka. Pravilnik iz predhodnog stava donosi Upravni odbor.

## **V. JAVNOST RADA I INFORMISANJE**

#### **Član 35.**

Rad organa društva je javan.

Javnost rada obezbjeđuje se:

- javnim održavanjem sjednica
- obaveznim i blagovremenim informisanjem članova o poduzetim aktivnostima u Društvu
- objavljivanjem značajnih odluka organa Društva na televiziji, radiju u štampi itd.
- javnim istupanjem ovlaštenih predstavnika Društva u sredstvima javnog informisanja
- izdavanjem biltena i na druge pogodne načine

#### **Član 36.**

Organi Društva mogu, u posebnim slučajevima, zasjedati bez prisustva javnosti, a o razlogu takvog postupka dužni su obavjestiti javnost preko ovlaštenog predstavnika Društva. Organi Društva mogu donjeti odluku da izdaju privremeni ili stalni bilten Društva.

## **VI. NAČIN OBEZBJEĐIVANJA FINANSIJSKIH SREDSTAVA I IMOVINA DRUŠTVA**

#### **Član 37.**

Finansijska i druga sredstva za realizaciju programa Društva obezbjeđuju se iz sljedećih izvora:

##### **1. Vlastitih prihoda, kao što su:**

- članarine, takse i kotizacija
- iznajmljivanje planinarskih kuća i domova,
- organizovanje sportskih priredbi,
- posredovanje i intelektualne usluge
- sportski marketing
- organizacija igara na sreću
- organizacija javnih priredbi i slično
- prilozi, pokloni i sponzorstvo

- obavljanje privredne, turističke i uslužne djelatnosti
- ostali izvori sredstava u skladu sa zakonom.

## **21. Prihodi po osnovu odobrenog programa**

Od društveno-političke zajednice, iz sredstava posebno namjenjenih finansiranju razvoja sporta i sportskih organizacija, od Republičkog fonda i ostalih prihoda po ovom osnovu.

### **Član 38.**

Prihodi Društva usmjeravaju se na sljedeće aktivnosti:

- održavanje i obilježavanje planinarskih staza,
- održavanje, opravka i izgradnja planinarskih objekata
- organizacija seminara i edukacija članstva
- organizacija izleta, sletova, kampova i drugih oblika zajedničkog boravka u prirodi
- nabavku potrošnog materijala, sitnog inventara, opreme i osnovnih sredstava,
- sjednice svih organa i komisija Društva,
- naknade putnih troškova na službenom putu,
- naknade za materijalno-finansijsko i administrativno-tehničko opsluživanje Društva,
- nagrade i priznanja,
- ostale materijalne i druge rashode Društva.

Aktivnosti iz prethodnog stava ovog člana određuju se posebnom odlukom Upravnog odbora Društva.

### **Član 39.**

Imovina Društva sastoji se od:

- planinarskih objekata (domova, kuća, ski-liftova, skloništa itd.)
- opreme i inventara u domovima i prostorijama Društva,
- novčanih sredstava i
- ostale imovine.

### **Član 40.**

Organi Društva dužni su za svaku kalendarsku godinu donositi svoje finansijske planove i završne račune.

## **VII. NAČIN IZVRŠAVANJA STRUČNIH, ORGANIZACIONIH, ADMINISTRATIVNO-TEHNIČKIH I MATERIJALNO-FINANSIJSKIH POSLOVA**

#### **Član 41.**

Za potrebe organa Društva obavljaju se:

- stručni, organizacioni, finansijsko-računovodstveni i administrativno-tehnički poslovi.
- Način izvršavanja poslova iz prethodnog stava ovog člana utvrđuje se posebnom odlukom Upravnog odbora Društva.

#### **Član 42.**

Za stručno i blagovremeno izvršavanje poslova iz člana 41. Ovog Statuta nadležan je i odgovoran sekretar Društva i u tom smislu ima ovlaštenja da poduzima potrebne mjere radi uspješnog izvršavanja svih navedenih poslova.

### **VIII. PROMJENE STATUTA DRUŠTVA**

#### **Član 43.**

O promjenama Statuta Društva odlučuje Skupština.

Promjenu Statuta može predložiti Upravni odbor ili 1/3 (jedna trećina) od ukupnog broja članova u Skupštini.

Skupština prethodno odlučuje o pristupanju promjene Statuta.

#### **Član 44.**

Prijedlog akta o promjeni Statuta podnosi Upravni odbor, a usvaja ga Skupština u skladu sa ovim Statutom.

Ako prijedlog nije usvojen, može se staviti ponovo na dnevni red Skupštine tek nakon usaglašavanja spornih odredbi, ali najkasnije kad istekne rok 30 dana za usaglašavanje.

### **IX. RAD DRUŠTVA U SLUČAJU NEPOSREDNE RATNE OPASNOSTI ILI RATA**

#### **Član 45.**

U slučaju neposredne ratne opasnosti ili rata, Upravni odbor Društva preuzima ingerencije Skupštine. PO prestanku ratne opasnosti ili ratnih dejstava, Upravni odbor je obavezan da u roku od 3 (tri) mjeseca sazove Skupštinu i podnese izvještaj o svom radu u proteklom periodu.

### **X. PRELAZNE I ZAVRŠNE ODREDBE**

#### **Član 46.**

Osnivačku Skupštinu Društva čine članovi Društva, a mora ih biti više od ½ (jedne polovine) prisutnih na sjednici.

Osnivačka Skupština donosi novi Statut Društva, vrši izbore za organe upravljanja i odlučuje o preuzimanju imovine ranijeg Društva.  
Incijativni odbor osnivača, odnosno Upravni odbor Društva, vrši pripreme i obezbjeđuje uslove za konstituisanje Skupštine Društva u skladu sa novim Statutom.

#### **Član 47.**

Društvo prestaje raditi kada Skupština ocijeni da ne postoje uslovi za njegov dalji rad i postojanje, te donese odgovarajuću Odluku o prestanku rada Planinarsko-smučarskog društva "Vilinač" Jablanica, u skladu sa odredbama ovog Statuta.  
Društvo prestaje raditi kada nadležni sud, u skladu sa zakonom, donese odluku o zabrani rada Društva.

U slučaju prestanka rada, imovina Društva prenosi se na raspolaganje i upravljanje organizaciji koja nastavlja njegovu djelatnost, a ako nema takve organizacije, imovina se prenosi Općini, a oslukom Skupštine Društva, može se raspodjeliti dioničarima, pod uslovom da je Društvo sticalo imovinu od dioničara.

#### **Član 48.**

Društvo je pravni nasljednik ranijeg Planinarsko-smučarskog društva "Vilinač" Jablanica i na osnovu toga preuzima svu imovinu (arhiv, osnovna sredstva, stvari, obaveze i novac) na raspolaganje i upravljanje.

#### **Član 49.**

Ovaj Statut stupa na snagu danom donošenja, a primjenjuje se od dana upisa Društva u registar udruženja građana.

### **PLANINARSKO-SMUČARSKO DRUŠTVO "VILINAC" JABLANICA**

Broj: 1/07

Jablanica, 26.februar 2007. godine

**PREDSJEDNIK:**

\_\_\_\_\_